



HALAW SA KATITIKAN NG PANGKARANIWANG PAGPUPULONG NG SANGGUNANG BARANGAY NG MALIBAGO NA GINANAP NOONG IKA- 16 NG PEBRERO, 2024 SA SILID PULUNGANG PAMBARANGAY.

MGA DUMALO:

KGG. JOEL F. REGIS	PunongBarangay/Tagapangulo
KGG. MAY ELLEN A. MAGCARANG	Kagawad
KGG. JENNEFER O. CRUZADO	Kagawad
KGG. BIENVENIDO M. LINING	Kagawad
KGG. BIENVINIDO D. CO	Kagawad
KGG. JIMMY G. LLANTE	Kagawad
KGG. NILO P. HINAHON	Kagawad
KGG. EULOGIO P. FELLIZAR	Kagawad
KGG. EUNECE M. DELOS SANTOS	SK Chairperson
GNG. MARY JANE M. ITURALDE	Kalihim

DI- DUMALO:
WALA

KAPASYAHAN BLG. 2024-08

ISANG KAPASYAHANG PANGKALAHATANG SINUSUSUGAN ANG KAUTUSANG PAMBARANGAY BLG. 3-2016 TUNGKOL SA MAAYOS NA PANGANGASIWA SA WASTONG PAGHIHIWALAY AT PAGTATAPON NG BASURA

SAPAGKAT, ayon sa itinakda ng Republic Act 9003 Act of 2000 at Municipal Comprehensive Solid Waste and Management Ordinance No. 6-2005 ay inatasan ang lahat na maging maayos sa pangangasiwa sa wastong paghihiwalay at pagtatapon ng basura;

SAPAGKAT, ang ilang Seksiyon sa Kautusang Pambarangay Blg. 03-2016 ay hindi na naaakma sa panahon ngayon kaya't kinakailangan na magkaroon ng pagbabago sa mga alituntuning itinakda;

DAHIL DITO, magalang na iminungkahi ni Kgg.Bienvenido M. Lining na pinangalawahan ni Kgg.Eulogio P. Fellizar at sinang-ayunan ng lahat ay;

PINAGPASYAHANG PAGTIBAYIN ang sumusunod na Kautusan:

KAUTUSANG PAMBARANGAY BLG. 2024- 01

ISANG KAUTUSANG PAGKALAHATANG SINUSUSUGAN ANG KAUTUSANG PAMBARANGAY BLG. 3-2016. ISANG KAUTUSANG NAGTATAKDA NA ANG LAHAT NG MGA TAHANAN, TINDAHAN AT MGA GUSALI NA NATATAYO DITO SA BARANGAY AY DAPAT MAGKAROON NG SARILING BASURAHAN

(Author: Kgg. Bienvenido M. Lining)

(Co-Author: Kgg. May Ellen A. Magcarang at Kgg. Jimmy G. Llante)

ARTIKULO I Pamagat o Titulo ng Ordinansa

Seksiyon 1. Ang kautusang ito ay tatawaging “PAMBARANGAY NA KAUTUSANG PANGKALAHATANG SINUSUSUGAN ANG KAUTUSANG PAMBARANGAY BLG. 03-2016 isang Kautusang nagtatakda na ang lahat ng mga tahanan, tindahan, gusali na natatayo dito sa Barangay ay dapat magkaroon ng sariling basurahan”.

ARTIKULO II Mga Kahulugan ng mga Salitang Ginamit

Seksiyon 2. Kahulugan ng mga Salita – Upang maging maliwanag at malinaw ang kahulugan ng bawat salita o katagang ginamit.

- a) Material Recovery Facility (MRF) – isang pansamantalang lagakan ng mga basura na makikita o matatagpuan sa tabing kalsada na mayroong isa sa bawat sityo.
- b) Barangay Ecological Solid Waste Management Committee (BESWMC) – isang komite na binibigyan ng kapangyarihan na magpatupad ng mga nasasaad sa kautusang ito na binuo sang-ayon sa Pangkat tatlo ng Kautusang ito.
- c) Garbage Collector – Itinalaga ng komitesa bisa ng Pangkat 4 ng kautusang ito na mangolekta ng mga basura sa tabing kalsada ng apat na beses sa loob ng isang buwan o higit pa kung kinakailangan.
- d) Compost Pit/ Compost Box- Lagakan ng mga basurang nabubulok.

ARTIKULO III
Pagtatag ng Barangay Ecological Solid Waste Management Committee (BESWMC)
Komposisyon at Tungkulin nito:

Seksiyon 3. Sa bisa ng Administrative Order (AO) No. 2001-34 at Implementing Rules and Regulation of RA-9003 Act of 2000- ay inaatasan ang lahat ng Barangay na magtatag ng BESWMC, upang mangasiwa sa tamang paghihiwahiwalay ng basura sa tamang lagayan.

TAGAPANGULO	-----	Punong Barangay
KASAPI	-----	Committee on Environmental Protection
		Committee on Health
		SK Chairperson
		Principal MNHS
		Principal MES
		Teacher-in-Charge Sinambahan Primary School
		PTA Presidents
		CIVIC Organization
		Vendors Association President
		Business Community Representative
		Purok Leaders
		Scrap Buyer Association President
		Home Owners Association Representative
		Garbage Collector

Seksiyon 4. Ang BESWMC ay magtatalaga ng dalawang Garbage Collector at ito ay tatanggap ng kaukulang honorarium at mangongolekta ng basura tuwing araw ng Biyernes at iba pang araw na itatakda ng komite kung kinakailangan.

ARTIKULO IV
Mga Probisyong Pang Administratibo

Seksiyon 5. para sa epektibong pagpapatupad ng Kautusang ito, ang mga sumusunod na probisyon ay iiral.

a) Ang BESWMC ay may tungkulin na magrekomenda o maaaring magrekomenda ayon sa bigat ng paglabag ang sinumang lalabag.

b) Ang itinalagang kolektor ay mangongolekta ng basura sa tabing kalsada mula sa kabahayan, tindahan at gusali ayon sa itinakda ng Pangkat 4 ng kautusang ito.

c) Dadalhin ng mga may-ari ng kabahayan, tindahan at tagapangasiwa ng mga gusali ang kanilang mga basura sa tabing kalsada mula sa kanilang basurahan sang-ayon sa pagkakahihiwahiwalay nito sa apat na maayos na lalagyan o garbage bag

1. Plastik, Tansan, Plastic Bottle, Plastic Cup, Plastic Spoon & Fork
2. Papel, Karton
3. Diaper, Napkin, Band-aid, Gasa at iba pang kauri
4. Cellophane

d) Ang may-ari ng kabahayan, tindahan at tagapangasiwa ng mga gusali ay gagawa ng kanya-kanyang basurahan ayon sa pagkakahihiwalay batay sa itinakda ng titik c ng kautusang ito.

e) Ang makokolektang basura ng kolektor ay dadalhin sa MRF ng Barangay.

f) Ang hindi tama at di maayos na paghihihiwalay ng basura mula sa mga kabahayan, tindahan, gusali ay pananagutan ng may-ari ng bahay at tindahan gayundin ang tagapangasiwa ng mga gusali.

g) Ang BESWMC ay gagawa ng mga karatola, paalala at babala na nagsasaad ng mga sumusunod:

1. Bawal magtapon ng basura dito
2. Ilagay ang basura sa tamang lalagyan
3. Huwag magkalat ng basura sa paligid
4. Panatilihin ang kalinisan
5. ATBP.

h) Ang sinumang mahuli na nagtatapon ng basura sa di tapunan o basurahan ay papatawan ng kaparusahan o multa.

i) Ang sinumang mahuli na magtatapon ng upos ng sigarilyo, balat ng kendi, plastic bottle, plastic cup, karton, papel at iba pang kauri nito na basura sa alin mang pampublikong lugar ay papatawan ng kaparusahang community service na dalawang (2) oras sa unang paglabag, apat (4) na oras sa pangalawang paglabag at walong (8) oras sa pangatlong paglabag, at kung ang nakagawa nito ay bata o menor de edad, ang magulang ng bata ay ipapatawag ng BESWMC para ipaalam ang naging paglabag ng kanyang anak at kung ano ang parusa.

j) Mahigpit na ipinagbabawal ang pagsusunog ng mga sumusunod:

1. Plastic Bottle, Plastic Cup, Plastic Spoon & Pork
2. Goma
3. Styro
4. Cellophane,
5. Papel, Karton
6. mga sirang relo, cellphone, Charger at battery
7. Diaper, Napkin, Band-aid, Gasa at iba pang kauri

k) Ang iba pang uri ng basura na di dapat itapon sa basurahan na dapat ilagay sa hukay sa loob ng kanya-kanyang bakuran ay ang mga sumusunod:

1. Lahat ng uri ng baterya
2. Sirang cellphone, relo, charger
3. Iba't ibang bubog, basag na salamin
4. Basag na bote
5. Goma
6. ATBP

l) Ang lahat ng uri ng mga nabubulok na basura ay dapat ilagay sa compost box o compost pit o hukay sa loob ng kanya-kanyang bakuran.

m) Ang lahat ng kabahayan ay magbabayad ng Garbage Collection Fee sa halagang ₱ 10.00 bawat buwan sa Ingat-Yaman ng Barangay.

n) Ang lahat ng business or commercial establishments ay magbabayad ng Garbage Collection Fee na halagang ₱ 25.00 bawat buwan sa Ingat-Yaman ng Barangay.

o) Ang BESWMC ay magtatakda ng kulay sa bawat sitio bilang tanda kung saang sitio galing ang garbage bag gayundin ang paglalagay ng bilang o numero sa mga garbage bag batay sa bilang o numero na itinakda ng komite sa bawat kabahayan, batay sa bilang na katulad o ibinase ng komite sa Health Data Board ng Barangay Nutrition Committee (BNC).

ARTIKULO V PENALTY CLAUSE

Seksiyon 6. Anumang paglabag sa alinmang pangkat ng ordinansang ito, ang mga lalabag ay magmumulta ng ₱300.00 sa unang paglabag, ₱500.00 sa pangalawang paglabag , ₱ 1,000.00 at di lalagpas sa halagang Isang Libong piso sa ikatlong paglabag.

ARTIKULO VI Mga Tadhanang Pangkatapusan

Seksiyon 7. Pagpapawalang bisa (Repealing Clause).

Alinmang probisyon o may umiiral na kautusan o utos na sumasalungat sa ordinansang ito ay iwinasto, binago, sinusugan o tuluyan ng pinawalang bisa.

Seksiyon 8. Paghihiwalay ng mga Tadhana (Separative Clause).

Kung sakaling may mga probisyon o alinmang bahagi ng ordinansang ito ay matanto na hindi konstitusyunal, at ang ilang bahagi nito ay maapektuhan, ay mananatiling ipatutupad at tutupdin, maliban kung ito ay babaguhin o susugan ng isa pang ordinansa.

Seksiyon 9. Pagkakabisa (Effectivity Clause).

Ang Ordinansang ito ay magkakaroon ng bisa o epekto o tuluyang ipatutupad at tutuparin sa sandaling pagtibayin ng Sangguniang Bayan.

Pinagtibay ng Sangguniang Barangay ng Malibago, Torrijos, Marinduque ngayong ika- 16 ng Pebrero, 2024.

Pinatutunayan:

MARY JANE M. ITURALDE
Kalihim

PATOTOO:

JOEL F. REGIS
Punong Barangay

SINANG-AYUNAN NG LAHAT:

MAY ELLEN A. MAGCARANG
Kagawad

JENNEFER O. CRUZADO
Kagawad

BIENVENIDO M. LINING
Kagawad

BIENVINIDO D. CO
Kagawad

JIMMY G. LLANTE
Kagawad

NILO P. HINAHON
Kagawad

EULOGIO P. FELLIZAR
Kagawad

EUNECE M. DELOS SANTOS
SK Chairperson